

TEZĂUR LITURGIC

4 IULIE

ACATISTUL SF. ÎMPĂRAT-MUCENIC NICOLAE II ROMANOV AL RUSIEI IX



MOSCOVA, 2000



Акафист краткий Царю Мученику Николаю Александровичу

Кондак 1

Возбранный адаманте домостроения Божия,
Главо угла Священной истории распутия, аще и
отвергнутый каменщиками вольными, обаче
неотступно Христа о России молящий, подаждь
нам веру твою и терпение твое, подаждь любви
твою к отечеству нашему, да поем ти: Радуйся,
Царю Николае, иконо Руси Святой.

Икос 1

Ангела-хранителя образ являеши нам, всяко
неосязаем сый, обаче ближе, негли срачица
телеси коемуждо верному сыну России-матушки,
иже взывает святому царю:

Радуйся, твердое тверди Небесной;
радуйся, нужный всем, аки воздух
безтелесный.

Радуйся, лицом святым сиявый верным;
радуйся, покровен являйся скверным.
Радуйся, Царю Николае, иконо Руси Святой.

Кондак 2

Видящи ближняя твоя - Царицу святую, святых
твоих чад, поучаемся от них имже око не виде,

ухо не слыша и не леть словесы человеческими глаголати, яже вся суть о тебе, темже восклицаем: Аллилуиа.

Икос 2

Разум недоразумеваемый буйства проповеди Божией есть вся, яже о тебе: похвалися ныне, святче Божий, токмо о Кресте Христовом, да поем ти:

Радуйся, из шапки Мономаха премудрость заемлющий;

радуйся, полковниче, в полк Руси Святой нас приемлющий.

Радуйся о дружбе с юродом;

радуйся, отрехшийся кровь пролити народа.

Радуйся, Царю Николае, иконо Руси Святой.

Кондак 3

Сила Вышняго ты еси, святыи Царю: сии на колесницах ухищрений плотскаго ума, сии же на конех гордости житейской: ты же сердце свое полагал еси в руке Божией: темже силы Божии творятся о имени твоём, аще кто молится о тебе: Аллилуиа.

Икос 3

Имущи приятное Богу существо, вся слагал еси в сердца твоем, от Аскольда даже до смерти деда и чудеснаго в Борках спасения Семьи твоей,

темже "Никто как Бог" архангельски возгласил
еси при исходе твоём, слыша с Небеси:
Радуйся, святых праотцев твоих послушнице;
радуйся, присный долга мучениче.
Радуйся, свидетелю Христов;
радуйся, плодоносяй Ему иже во сто.
Радуйся, Царю Николае, иконо Руси Святой.

Кондак 4

Бури житейския умиряются о имени твоём,
возлагающу ти руце твои на наши главы, о
екзорцисте новый: мир Христов по дару Его
подаеши нам, не так как мир даёт; мы же
безмолвствуем сице: Аллилуиа.

Икос 4

Слышаша архипастырие ангела земнаго,
Русскаго Царя, ангельский образ в пострижении
прияти хотящаго, нам прикровенно открыша
бездну святости твоея, да воспоем:
Радуйся, премудраго Невскаго схимы
наследнице;
радуйся, Боголюбиваго самодержавия
исповеднице.
Радуйся, власяницу Донскаго духовне носивый;
радуйся, опричную тайну по смерти явивый.
Радуйся, Царю Николае, иконо Руси Святой.

Кондак 5

Боготечная звездо явился еси, став пресветло идеже бысть двухтысящелетнее Отроча, якоже пастырие, ускорив ко яслем, и якоже волсви, ладан беззаветныя веры, смирну надежды во тьме кромешной, злато любви твоея ко Христу и России принесл еси, у Престола Троицы поюще: Аллилуиа.

Икос 5

Видевше отроцы яко халдейстии, иновернии и инославнии народы державы твоея верность Белому Царю исповедающих, неверие же Новаго Израиля, якоже и при Иезикииле, обличающих, равен был еси всем, Отче Державный. Обаче сыны русские наказуя прикровенне, инославнии слуги на Крест с собою привел еси: - "Днесь будеши со мною в Раи", - глаголя им, тебе поющим:

Радуйся, поминаяй Георгия Утрина;

радуйся, о имени патриарха-мордвина.

Радуйся, боярина Келлера нам возсиявый;

радуйся, боярином Унгерном монголом престол возставивый.

Радуйся, Царю Николае, иконо Руси Святой.

Кондак 6

Проповедниче Божественныя Тишины еси ты, паче всех возлюбивый Царя Тишайшаго: темже

в мире глyбоце прави в России Христову Церковь, Никоне Новый, Афону имясловскому Гроб Господень сочетавая в сердцах поющих ти: Аллилуиа.

Икос 6

Возсиявый во Египте новейшем, беснуемом об идолах своих, был еси и близ Египта древлего, праведности великаго русскаго пиита-ефиоплянина взыскуя. Темже святости твоя достало и у богоборнаго Льва останок света Христова узрети, надгробне глаголя о нем. Темже, о воине Христов преизящный, зрим искусну святость твою, и в тернии сеющу, внегда воспоем ти:

Радуйся, русскаго Неба и Земли Богу сотворче; радуйся, Григорием усердный миротворче.

Радуйся, слово России умно-сердечное; радуйся, имже творит спасение наше Слово Превечное.

Радуйся, Царю Николае, иконо Руси Святой.

Кондак 7

Хотящу тебе рай насадити на востоце, в землях алтайских, "Адаме, где еси" - взывал Царю-страдальче. Людие же Русский избранныи обнажилися суть веры отеческия, отверглися пети: Аллилуиа.

Икос 7

Новую Александру, Царицу-мученицу
благовествуеши нам, ангела скорбнаго, иже
бысть по тебе, обаче ста впереди в вере и любви.
Брак честен и ложе нескверно воспеваем сице:
Радуйся, от Бога приявый жену;
радуйся, от Серафима приявый сына.
Радуйся, друже Небеснаго Жениха;
радуйся, напитанный гласом Его излиха.
Радуйся, Царю Николае, иконо Руси Святой.

Кондак 8

Странное рождество сына Царскаго видяще от
источника Серафимова, зрим и странное житие
его за молитвы пророка Божия страннаго;
страшася же устранився Небесных Стран,
Дивному в тайнах поем: Аллилуиа.

Икос 8

Весь бе в нижних, даже до ноци глубокой
влачил еси бечеву трудов Государевых, обаче
непоступно был еси Небесный Человек: темже
остави нам долги наша пред Отечеством, да и
мы будем люди долга, тебе восклицающе:
Радуйся, отцем наученный вся на рамах
держати;
радуйся, даже доныне тайный за мир Христов
предстатель.
Радуйся, смертный приговор отменивый,

возстав в полунощи;
радуйся, авраамскую куплю ддящий.
Радуйся, Царю Николае, иконо Руси Святой.

Кондак 9

Всякое естество ангельское удивися целомудрию твоему: темже аще и странне отреклся еси, обаче и во отречении, и по отречении пребыл еси неизменен, тойжде и во веки, Помазанник и Император, Православия охранитель, от неудобопреклонных слыша: Аллилуиа.

Икос 9

Ветия многовещанная, думная боляре, прежде крамолы отреклися служити тебе, егда возложил крест командования верховнаго на рамена твоя. Отвещаю о всех, иже во отчине твоей, отвечаеши и о сей палате безответной, моляще о ихже не ведают, что творят, глас хлада тонка слыша, сице:

Радуйся, Христово у Ирода молчание;
радуйся, страстотерпцев увенчание.
Радуйся, воеводо сокровенный Руси;
радуйся, наша победа на Небеси.
Радуйся, Царю Николае, иконо Руси Святой.

Кондак 10

Спасти нельзя спастись не хотящих - от человек невозможно, рече Господь: - Богу же вся

возможна. О, гряди, Христе, святым Царем - да перекрестится Россия паки быти Русью Святей, Богу поюще: Аллилуиа.

Икос 10

Стена есть непроходимая мытарство немилосердия, обаче милосердым Царем пройдем, яко по суху, милости страшной его сице поюще:

Радуйся, - "аз буду жертва", - глаголющий;
радуйся, другия жертвы не волящий.
Радуйся, у Георгия просящий милости;
радуйся, яко на Пасху народ победою простил.
Радуйся, Царю Николае, иконо Руси Святой.

Кондак 11

Пение наше и крепость наша Господь: ты же, молчальниче дивный, Божия песнь еси об отечестве нашем; темже ликуем о тебе, Боже, Царем храни вся православныя, Аллилуиа.

Икос 11

Светоприемная свеща, во еже взыскати останок, возженная, град, вверху горы времен стоящий, ты святой мучениче-искупителю-Царю. О тебе заблудшия овчата русские припевают сице:

Радуйся, сосуде исполненный елея и вина;
радуйся, добре самарянине, егоже вемы Руси

хозяина.

Радуйся, грядый в полунощи;
радуйся, о Бозе России женише.
Радуйся, Царю Николае, иконо Руси Святой.

Кондак 12

Благодати тезоименная дочь названная твоя,
болярыня Анна купно со священными
горлицами Ольгою, Татианою, Мариєю и
Анастасиею пять убо чувствий нам являються,
имиже неведомая небесная познаваем,
девами премудрыми пятью воспевающе:
Аллилуиа.

Икос 12

Поюще, вопиюще и глаголюще тебе, Никола
Святоша новый, уныния и отчаяния
свобождаемся, волю Божию о нас и отечестве
нашем взыскующе паче всего возлюбити, тебе
же благодарим сице:

Радуйся, за ны испивый горькую чашу;
радуйся, яко свет и тепло ты и радость наша.
Радуйся, раздравый клятву еже на нас;
радуйся, павшей России архангельский глас.
Радуйся, Царю Николае, иконо Руси Святой.

Кондак 13

О славо святая отечества, великумучениче
царственный Николае! Согрешихом на Небо и

пред тобою и уже недостойни есмы нарещися сыны твои, но прими нас, яко опричники твоя, работати Богови со страхом и радоватися Ему со трепетом, о тебе поюще: Аллилуиа, Аллилуиа, Аллилуиа.

Этот кондак, читается трижды, затем 1-й икос и 1-й кондак

